

Broj: 01/53/23

Datum: 31. 1. 2023. godine

Na osnovu člana 106. Statuta Univerziteta u Sarajevu, na 1. redovnoj sjednici Vijeća u 2023. godini održanoj 31. 1. 2023. godine, Vijeće Instituta za jezik Univerziteta u Sarajevu donosi

ODLUKU
o prihvatanju Programa rada Instituta za jezik za 2023. godinu

I

Prihvata se Program rada Instituta za jezik za 2023. godinu.
Sastavni dio ove odluke je Program rada Instituta za jezik za 2023. godinu.

II

Odluka stupa na snagu danom donošenja.



DIREKTOR


dr. sc. Jasmin Hodžić



Dostavljeno:

- Evidencija Vijeća Instituta
- Služba za izdavačku djelatnost, biblioteku i informiranje
- Ⓞ Služb za računovodstvo, plan i analizu
- a/a

Sekretar Instituta za jezik Univerziteta u Sarajevu potvrđuje da je prijedlog Odluke u skladu sa zakonskim i podzakonskim propisima koji su na snazi, te da je Vijeće Instituta za jezik Univerziteta u Sarajevu nadležno za donošenje istog, shodno članu 69. Zakona o visokom obrazovanju („Službene novine Kantona Sarajevo“, broj 36/22).“



Na osnovu ranije usvojenog *Programa rada i razvoja Instituta za jezik Univerziteta u Sarajevu*, za mandatni period od 2021. do 2025. godine, te na osnovu *Izdavačkog plana Instituta za jezik UNSA* predlažem na usvajanje

**PROGRAM RADA
INSTITUTA ZA JEZIK UNIVERZITETA U SARAJEVU
ZA 2023. GODINU**

U skladu s postojećim četverogodišnjim programom rada i u skladu s aktuelnim izdavačkim planom Instituta za jezik Univerziteta u Sarajevu, oslanjajući se na usmjerenje naučnoistraživačkih i stručnih djelatnosti na:

- istraživanje savremenog jezika, s ciljem stvaranja pretpostavke za upotpunjenje i inoviranje jezičkog standarda;
- gramatička istraživanja u fonologiji, morfologiji i sintaksi;
- istraživanje historije jezika, s ciljem utvrđivanja i praćenja osobina književnojezičkog izraza kroz historiju, a posebno zbog opisivanja predstandardnih idioma i naročito zbog njegovanja tradicije i kontinuiteta narodnog i književnog jezika u cjelini;
- istraživanje različitih aspekata u jeziku bh. pisaca, naročito frazelološka istraživanja;
- dijalektološka istraživanja, s različitim aspektima pristupa dijalektološkoj građi i obradi osobina narodnih govora, naročito zbog činjenice o prestižnom novoštokavskom i/ili novoštokaviziranom dijlektatskom području u odnosu na druge govorne zone;
- leksikološka istraživanja i leksikografsku praksu, koja će obuhvatati različite sfere jezičke struke i nauke, a shodno potrebama koje nalažu sadašnje stanje i nadolazeće perspektive
- sociolingvistička istraživanja.

Rad na temeljnim istraživačkim i izdavačkim projektima Instituta za jezik u 2023. godini odnosi se na sljedeći

POPIS PROJEKATA ZA 2023. GODINU:

- *BOSANSKE SREDNJOVJEKOVNE POVELJE:
Paleografija i ortografija*
- *OSNOVI HISTORIJE BOSANSKOGA KNJIŽEVNOG JEZIKA*
- *HISTORIJSKI RJEČNIK BOSANSKOG JEZIKA*
- *DOVOLJSKO EVANĐELJE* (monografija)



- *JEZIK FRANJEVAČKE KNJIŽEVNOSTI U BOSNI I HERCEGOVINI:
Jezik fra Martina Mikulića*
- *JEZIČKI IZRAZ „VARICE“ FRA ANTUNA KNEŽEVIĆA*
- *BOŠNJAČKI GOVORI IZVAN BOSNE I HERCEGOVINE:
Govor Bošnjaka u Albaniji (monografija)*
- *PUBLICISTIČKI STIL STANDARDNOG JEZIKA:
Značenje i distribucija vremenskih glagolskih oblika*
- *SLAVENSKI GENITIV U BOSANSKOM JEZIKU*
- *ELIPSA KAO SINTAKSIČKO-SEMANTIČKA KATEGORIJA*
- *ONOMASTIČKA ISTRAŽIVANJA U BOSNI I HERCEGOVINI: Toponimija Breze*
- *AKCENATSKI DUBLETI U BOSANSKOM JEZIKU*
- *BOSANSKI AKCENATSKI ATLAS*
- *BOSANSKI PRAVOPIS*
- *BOSANSKI JEZIK I ŠKOLSTVO 1823–2023: sociolingvistički pristup*
- *TERMINOLOŠKA LEKSIKA U BOSANSKOM JEZIKU*
- *INSTITUCIONALIZACIJA NAUKE O JEZIKU U BOSNI I HERCEGOVINI (zbornik)*
- *JEZIČKE ODLIKE I KULTUROLOŠKI ASPEKTI BOSANSKE AREBIČKE
(BOSNEVIJSKE) LITERATURE*
- *BOSANSKOHERCEGOVAČKI DIJALEKTOLOŠKI ZBORNIK (GOVOR SARAJEVA)*
- *DANI INSTITUTA ZA JEZIK 2023.*
- *POLA STOLJEĆA INSTITUTA ZA JEZIK (monografija)*

Institut će raditi i na tome da najnovije rezultate naučnoistraživačkih aktivnosti promovira u široj javnosti, a s dodatnim ciljem jačanja svijesti o bitnosti jezika u različitim razvojnim društvenim procesima. U vezi s navedenim Institut će raditi na popularizaciji nauke o jeziku, naročito kroz javne događaje i obilježavanje važnih datuma, medijske nastupe, tribine, savjetovanja, i slično. Osim samostalnog rada i djelovanja, vizija Instituta nalaže i blisku saradnju sa svim relevantnim srodnim ustanovama, organizacijama i institucijama, kao i pojedincima istraživačima, koji mogu skupa s Institutom dati izrazit doprinos u oblasti razvoja naučnoistraživačke djelatnosti kojom se Institut bavi, kao i u poljima primijenjenih istraživanja u razvoju jezičke struke, naročito u domeni osnovnog, srednjeg i visokog obrazovanja, ali i u domeni razvoja kulture na svim društvenim nivoima.

Sarajevo, januar 2023.

Dr. Jasmin Hodžić, direktor Instituta



X